



Republika e Kosovës
Republika Kosova - Republic of Kosovo

Autoriteti Kosovar i Konkurrencës
Autoritet Kosova za Konkurenciju - Kosovo Competition Authority

Nr. _____

Datë: 05.10.2017

Komisioni i Autoritetit Kosovar të Konkurrencës, mbështetur në nenin 28, nenin 29 paragrafi (1), nenin 54, paragrafi (2) me nën paragrafin 2.3, neni 3 paragrafi (1.8), neni 34, nenin 35 paragrafi (5) i Ligjit Për Mbrojtjen e Konkurrencës Nr. 03/L-229 (Gazeta zyrtare nr.88/25), dhe Ligji Nr. 04/L-226 për ndryshimin dhe plotësimin e Ligjit Nr. 03/L-229 për Mbrojtjen e Konkurrencës, Autoritetit Kosovar të Konkurrencës sipas detyrës zyrtare në bazë të dyshimeve për fiksimit të çmimeve – marrëveshje e ndaluar në mes të floktarëve të Komunës së Mitrovicës, Komisioni i Autoritetit Kosovar të Konkurrencës në mbledhjen e mbajtur me datën 05.10.2017 merr këtë:

K O N K L U Z I O N

- I. Bazuar në dispozitat e Ligjit për Mbrojtjen e Konkurrencës, gjatë shqyrtimit paraprak të situatës në tregun relevant, konstatohet se nuk ka argumente për Fillimin e Procedurës Hetimore në sektorin e ofrimit të shërbimeve të floktarëve në Komunën e Mitrovicës, për arsye se marrëveshja nuk është zbatuar.
- II. Autoritetit Kosovar i Konkurrencës, të monitoroj sjelljet e ndërmarrësve (floktarët) në tregun përkatës në Komunën e Mitrovicës për një periudhë të pacaktuar kohore.

A R S Y E T I M

Autoritetit Kosovar të Konkurrencës sipas detyrës zyrtare më 17.07.2017, ka autorizuar inspektorët hetues që të inspektojnë tregun relevant në komunën e Mitrovicës, lidhur me dyshimin për marrëveshje të ndaluar në mes të pronarëve (floktarëve) të ndërmarrjeve të cilët merren me (qethjen e flokëve, etj).

Gjatë inspektimit dhe bisedës me disa nga pronarët e salloneve kemi gjetur se ata kanë ngritur çmimet për 50-75 % për shërbimet e tyre përmes një marrëveshje. Për të ngritur shërbimet e tyre ata më datë 13.07.2017 janë takuar dhe kanë arritur një marrëveshje të cilën e kanë nënshkruar (21) pronar frizerë të Komunës së Mitrovicës. Gjatë bisedës me ata pas kryerjes së inspektimit në disa sallone kemi arritur të gjejmë një kopje të kësaj marrëveshje.

Përcaktimi i tregut përkatës apo relevant

Tregu gjeografik - duke iu referuar *nenit 6 të Udhëzimit Administrativ për mënyrën dhe kriteret e përcaktimit të tregut përkatës nr. 02/2011*, bazuar në analizën e këtij rasti, tregu gjeografik do të konsiderohet territori i komunës së Mitrovicës.

Tregu i produktit:

1. *Qethja e kokës*
2. *Rruarja e kokës*
3. *Rruarja e fytyrës*
4. *Rruarja me makinë*
5. *Rruarja me dekorim*
6. *Larja e kokës*

Me datën 20.07.2017, Autoriteti ka pritur në takim përfaqësuesin e floktarëve nënshkruar të marrëveshjes nga Mitrovica z. Muhamet Manxholli, nga i cili kemi pranuar një akt shfuqizues jo formal të asaj marrëveshje të cilin akt e kanë nënshkruar me zotimin se e prishin dhe nuk do ta zbatojnë këtë marrëveshje dhe se çmimet do të mbesin ata që kanë qenë para marrëveshjes.

Pronarët e ndërmarrjeve (flokëtarët) gjatë takimeve dhe bisedave kanë pranuar se më 13.07.2017 kanë mbajtur një takim të përbashkët në mes tyre dhe aty kanë vendosur për ngritjen e çmimeve me marrëveshje për disa nga shërbimet që i ofrojnë për qytetarët në sallonet e tyre. Ata kanë deklaruar se arsyeja e ngritjes së çmimeve ka qenë ngritja e çmimeve furnizuese nga disa produkte që i shfrytëzojm gjatë punës si dhe nga shkaku i ngritjes së qirasë, etj. Po ashtu ata kanë deklaruar se kemi ngritur çmimet me marrëveshje nga se nuk kemi pas njohur për këtë veprim nëse është i ligjshëm apo jo. Ne kemi menduar se jemi duke vepruar mirë nga se disa flokëtar janë duke na dëmtuar duke i ngritur apo ulur çmimet për shërbimet e tyre dhe ne menduam të unifikojm (fiksojm) çmimet për shërbimet tona dhe me pastaj secili nga ne ta respektoj atë marrëveshje.

Gjatë monitorimit të tregut përkatës, mbledhjen e të dhënave dhe deklaratimet e pronarëve të floktarëve në Mitrovicë, kemi konstatuar se pronarët kanë arritur një marrëveshje me shkrim të nënshkruar nga 21 pronar (*e cila marrëveshje bie ndesh dhe është e ndaluar apo praktikë e bashkërenduar sipas nenit 4 të Ligjit Nr. 03/L-229, për Mbrojtjen e Konkurrencës*), për rritjen e çmimeve në produktet e cekura më lartë, mirëpo marrëveshja nuk është zbatuar meqenëse ata pronarë nënshkruar kishin njoftuar përmes njoftimeve në sallonet e tyre se çmimet kanë ndryshuar mirëpo në praktikë nuk është zbatuar kjo marrëveshje.

Gjatë monitorimit të tregut përkatës kemi vlerësuar se marrëveshja është bërë për shkak se pronarët nuk kanë pas njohuri mbi dispozitat e Ligjit Nr. 03/L-229, për Mbrojtjen e Konkurrencës, dhe me këtë rast kemi gjetur se kjo marrëveshje nuk është zbatuar, nuk ka pas impakte në treg e as palë të dëmtuar.

Përfundimisht vlerësojmë se kjo marrëveshje është bërë nga mosnjohja e dispozitave të Ligjit për Mbrojtjen e Konkurrencës, për më shumë ajo nuk ka prodhuar ndonjë pasojë për palët e involvuara dhe lirisht mund të themi se kemi të bëjmë me një marrëveshje naive e cila nuk ka pasur ndikim apo efekte të çrregullimit të konkurrencës në treg.

Sipas evidencës së të dhënave dhe cilësimit të kësaj sjellje të ndërmarrësve në treg, aktivitetit dhe ndërhyrjes së inspektorëve në parandalim të zbatimit të sajë, *konstatojmë* se nuk ka interes publik për të filluar procedurë hetimore, andaj departamenti i mbikëqyrjes së tregut, inspektorët e përfshirë në rast *rekomandojmë* që tregun përkatës i monitoruar gjatë kësaj kohe ta mbajë nën monitorim edhe për një periudhë të pacaktuar kohore për sjelljet e ndërmarrësve në tregun relevant.

**KOMISIONI
AUTORITETIT KOSOVAR I KONKURRENCËS**

(_____
Valon PRESTRESHI
Kryetar

(_____
Ahmet KRASNIQI
Zv. Kryetar

(_____
Fatime HAZIRI
Anëtare

(_____
Muhamed KRASNIQI
Anëtar

(_____
Shaqir MORINA
Anëtar

Me këtë KONKLuzion të njoftohen:

- *Arhiva*
- *Publikohet në web faqen e Autoritetit*
- *Palët*